



## Disposiziun da l'uffizi

### Relasch da directivas per l'instrucziun da nudar

Cun la disposiziun dal departament dal 1. da favrer 2023 (DD nr. 210/2023) è vegnidas abolida las «Recumandaziuns concernent l'instrucziun da nudar e concernent l'assistenza tar occurrenz da far bogn tras persunas d'instrucziun da la scolina e da la scola populara» Da nov vegni renvià al Plan d'instrucziun 21 GR ed a las explicaziuns tar las tavlas da lecziuns. Perquai che questas prescripziuns pon vegnir interpretadas libramain en divers puncts u è formuladas en moda fitg averta, è l'Uffizi per la scola populara ed il sport stà confruntà regularmain cun dumondas areguard la realisaziun (p.ex. definiziun dal «brevet uffizial», premissas da scolaziun e persunas accompagnantas necessarias). Perquai s'imponi da precisar las prescripziuns per l'instrucziun da nudar e per autras activitads en l'aua.

### L'Uffizi per la scola populara ed il sport concluda:

1. Las directivas concernent l'instrucziun da nudar vegnan relaschadas.
2. Questas directivas entran en vigur il 1. d'avust 2024.
3. Communicaziun ad: autoritads da scola e direcziuns da las scolas popularas en il chantun Grischun; Associaziun Magistraglia Grischun (LEGR), dunna Nora Kaiser, presidenta, Schwäderlochstrasse 7, 7250 Clastra; Associaziun dals cussegls da scola dal Grischun (ACSG), signur Christian Kasper, president, Plattiserstrasse 15, 7223 Buchen; Federaziun da mainascolas dal Grischun (FMSG), co-presidi, dunna Sonya Bardill, Sum Curtgins 6e, 7013 Domat e signur Richard Just, Penasch sot 18b, 7078 Lai; instituziuns da la scolaziun speziala; scolas privatas; Departament d'educaziun, cultura e protecziun da l'ambient.

UFFIZI PER LA SCOLA POPOLARA ED  
IL SPORT DALGRISCHUN

Chantal Marti-Müller, manadra da l'uffizi